



# Kev Zov Me Nyuam Tom Qab Tawm MFIP (MFIP Xyoo Hloov Zov Menyuam)

Child Care After Going off MFIP (MFIP Transition Year Child Care)

## Transition Year Child Care yog dab tsi?

“Transition Year Child Care” yog Kev Pab Zov Menyuam rau Xyoo Hloov muaj feem tau rau koj 12 lub hli tom qab koj tsis tau MFIP lawm. Koj muaj feem tau qhov no **yog**:

- Koj txais MFIP los sis DWP yam tsawg kawg 1 lub hli ntawm 6 lub hli yav tas **thiab**
- Koj ua hauj lawm 20 teev ib lub lim tiام los sis tshaj thiab khwv tau qhov nyiaj yam tsawg kawg nkaus li teem. Los sis koj tab tom nrhiav hauj lwm. Hauj ib tsev neeg muaj ib khub txij nkawm, ob leeg yuav tsum ua hauj lwm tsawg kawg los 20 teev ib lim tiام ntawm ib tug.

## Kuv yuav ua li cas kuv thiaj li tau Kev Pab Zov Menyuam rau Xyoo Hloov?

- Yog koj muaj kev pab zov menyuam tam sim no, hu rau koj tus saib xyuas ua hauj lwm zov menyuam thiab hais rau tias koj xav tau Kev Pab Zov Menyuam thaum koj tsis muaj MFIP lawm.
- Yog koj tsis muaj Kev Pab Zov Menyuam (Child Care Assistance) tam sim no, nug koj tuav ntaub ntawv muab nyial pab los sis tus kws pab nrhiav hauj lwm seb ua ntaub ntawv thov li cas.
- Tsis tas yuav tsum “ua tej yam” kom tawm MFIP thiaj li tau Kev Pab Zov Menyuam rau Xyoo Hloov. Koj muaj feem txias tau Kev Pab Zov Menyuam rau Xyoo Hloov thaum koj tawm MFIP txawm li cas los kav liam tsuas yog tsis raug txiat vim kev dag kom tau nyiaj.



## Kuv puas muaj feem txais Kev Pab Zov Menyuam rau Xyoo Hloov thaum kuv tseem kawm ntawv?

Tau. Qhov Kev Pab Zov Menyuam rau Xyoo Hloov them zov menyuam thaum koj mus kawm ntawv los sis ib qho kev kawm hauj lwm. Xws li, suav cov hoob GED, hoob ESL, thiab kawm ntawv qib siab. Muaj kev tau Pab Zov Menyuam rau cov sij hawm koj kawm ntawv, xyaum ua hauj lawm los sis kawm ntawv koj tus kheej, thiab mus thiab los tom tsev kawm ntawv. Rau kawm ntawv teem ob (high school), koj muaj feem txias tau kev pab zov menyuam rau cov sij hawm koj saib ntawv.

## **Puas tau kev pab zov menuam thaum kuv tseem nrhiav hauj lwm?**

Tau. Qhov Kev Pab Zov Menyuam rau Xyoo Hloov mas li them neeg zov menuam thaum koj nrhiav hauj lwm – Yog koj qhia rau koj tus neeg tuav ntaub ntawv tias koj nrhiav hauj lwm. Nws muaj sij hawm txwv Kev Thov Pab Zov Menyuam thaum koj nrhiav hauj lwm.


## **Qhov Kev Pab Zov Menyuam rau Xyoo Hloov raug nyiaj npaum li cas?**

Qhov Kev Pab Zov Menyuam rau Xyoo Hloov them raws cov nyiaj koj tsev neeg khwv tau los. Qhov kev siv los laij them zoo ib yam li MFIP Child Care Zov Menyuam. Ib yam li MFIP, yog koj siv ib tug neeg zov menuam ua tus nqi tshaj qhov lub xeeb pab tau, koj yuav raug them qhov nqi tshaj ntawd. Nws yeej tsis muaj nqi nce thaum koj pauv ntawm MFIP Zov Menyuam mus rau Kev Pab Zov Menyuam rau Xyoo Hloov.

## **Vim li cas tau Kev Pab Zov Menyuam rau Xyoo Hloov hos tseem ceeb?**

Cov tsev neeg ua tau Kev Pab Zov Menyuam rau Xyoo Hloov muaj feem txais tau qhov kev txuas ntxiv Kev Pab Zov Menyuam rau Xyoo Hloov yog muaj daim ntawv tos rau “Basic Sliding Fee Child Care” Kev Zov Manyuam Raws li Tau Nyiaj thaum xyoo kawg.

Yog koj tsis tau txais Kev Pab Zov Menyuam rau Xyoo Hloov, tej zaum koj yuav raug nyob tos kom lawv muab koj rau qhov Basic Sliding Fee Program.



Qhov Kev Zov Menyuam Raws li Tau Nyiaj pab cov tsev neeg ua tau nyiaj tsawg thiab tsis tau MFIP. Qhov nyiaj lawv them yog seb tsev neeg tau nyiaj li cas- zoo ib yam li qhov Kev Pab Zov Menyuam rau Xyoo Hloov thiab MFIP Zov Menyuam.

## **Kuv puas yuav tsum tau qhia txhua yam hloov rau tus neeg tuav ntaub ntawv?**

Cov tsev neeg yuav tsum tau “rov thov” kev pab zov me nyuam (Child Care Assistance) txhua 12 lub hli. Tab sis muaj qee yam yuav tsum qhia thaum tshim sim kiag. Koj tos tsis tau thaum txog caij rov thov dua, koj mam li qhia.

Muaj 10 hnub qhia txog cov kev hloov ntawm koj:

- Chaw nyob
- Cov neeg nyob rau hauv tsev neeg-yog muaj ib tug tawm tsev, los sis yog muaj ib tug los tshiab
- menuam nrog leej twg nyob los sis teem sij hawm mus xyuas menuam
- Xam xaj los sis xwm txheej nyob teb chaws no
- Xwm Txheej ntawm tsev neeg- sib yuav los sis sib nrauj los sis muaj me nyuam tshiab
- Hloov ntawm menuam tsev kawm ntawv los sis sij hawm kawm ntawv
- Neeg zov menuam

Thaum koj pauv neeg zov menuam, koj yuav tsum tau qhia tsis pub dhu 15 hnub ua ntej qhov pauv.

Muaj ib co cai los tswj kev qhia txog nyiaj los sis hauj lwm los sis sij hawm pem hauj lwm los sis kawm ntawv pauv.

**Koj cov nyiaj tau (Income):** Cov tsev neeg yuav tsum qhia yog lawv tau nyiaj ntxiv los uas muab lawv tau tshaj 85% ntawm State Median Income (SMI) Lub Xeev Cov Nyiaj Tau Los Nruab Nrab. Cov nyiaj npaum li cas nyob seb hauv tsev neeg muaj pes tsawg leej. Koj mus nrhiav tau daim ntawv ntsuas tam sim no ntawm [www.dhs.state.mn.us](http://www.dhs.state.mn.us). (lus Askiv xwb)

- Nias lub npov “How do I”
- Hauv qab “Find” nias “edocs and forms”
- Ntau 6413i rau hauv npov tshawb
- Nias rau ntawm qhov ntawv

Koj tsis tas **yuav** qhia txog lwm yam pauv ntawm koj cov nyiaj tau los. Tab sis, koj tej zaum yuav xav qhia yog koj cov nyiaj tau los poob qis yuav pab txo koj qhov feem them Pab Zov Menyuam.

**Hauj lwm thiab sij hawm kawm ntawv:** Koj yuav tsum tau qhia yog muaj neeg tsis ua hauj lwm los sis tsis kawm ntawv ntxiv lawm. Lwm yam sij hawm pauv rau hauj lwm los sis kawm ntawv tsuas toob kas qhia vim:

- 1) tsev neeg ua muaj kev pab zov menuam uas muaj ntau tshaj ib tug menuam neeg zov rau ib tug menuam
- 2) cov tsev neeg ua tau Kev Pab Zov Menyuam los ntawm ib neeg ua tsis muaj ntawv tso cai zov menuam, xws li ib tug neeg txheeb ze los sis phooj ywg, thiab
- 3) cov tsev neeg ua muaj ib tug niam txiv ua hauj lwm rau DHS-muaj daim ntawv tso cai rau qhov chaw zov menuam los sis ib tug tsis-zoo Medicaid-tso npe kws kho mob.

Rau lwm tsev neeg, nce sij hawm ua hauj lwm los sis kawm ntawv ntawm tsev neeg kuj qhia tau, thiab tej zaum yuav pab ntxiv sij hawm rau qhov kev pab zov menuam.



## **Lwm yam kev pab kuv muaj feem tau tom qab kuv tsis muaj MFIP yog dabtsi?**

Muaj feem tau:

- Medical Assistance (MA), raws cov nyiaj tau los.
- Nyiaj muas noj, raws cov nyiaj tau los.
- Yog koj muaj teeb meem tom qab koj tawm MFIP, tej zaum koj muaj feem tau Kev Pab Xwm Ceev Emergency Assistance (EA).



## **Xav paub ntxiv txog kev zov menuam?**

Minnesota muaj ib qhov “Child Care Resource” Chaw Qhia Zov Menuam thiab “Referral Network” Chaw Xa Mus rau txhua cheeb tsam hauv lub xeev. Koj mus muab tau cov ntaub ntawv thov zov menuam, daim ntawv muaj cov chaw zov menuam, thiab lwm cov kev pab yog hu rau tus xov tooj qhia lus ntawm 1-888-291-9811.

*Cov ntawv Qhia Tseeb yog qhia kom paub txoj kevciai xwb TSIS yog muab txwv yim txog txoj kevciai. Mus ntsib ib tug kws lij choj rau tsww yim. Tsis txhob siv daim ntawv qhia tseeb yog tias nws qub tshaj ib xyoos lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.*

© 2022 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.